



Asii Chemnitz Narup  
Inatsisartunut ilaasortaq, Inuit Ataqatigiit

## Ilagiit pillugit § 37 naapertorlugu apeqqut nr. 148/2022-mut akissutigineqartoq

29-07-2022  
Suliap nr. 2022 - 14858  
Akt nr. 20698811

Asasara Asii Chemnitz Narup,

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Inatsisartut suleriaasiat naapertorlugu apeqquteqaatinnut qujanaq. Apeqqutigineqartut tullinnguuttuni akissuteqarfigneqassapput.

Biskoppip allaffianit tapiliussatut nassiunneqarsimasut akissuteqarnermi ilanngunneqarput.

**Apeqqut 1:** Inatsisartut Aningaasanut Inatsisaani 2022 konto pingaarneq 40.97.03 naapertorlugu Kalaallit Nunaanni Ilagiinnut aningaasaliisoqarpoq. Taamatuttaaq ajoqissanik organistinillu ilinniartitsinermit aningaasaliinerit kontomi pingaarnermi 40.92.14-mi takuneqarsinnaapput. Naalakkersuisut qinnuigaakka ukiuni kingullerni aqqaneq-marluusuni aningaasaliissutit annertussusaat paasissutissiissutigeqqullugit.

### Akissut:

Aningaasaliissutinut takussutissiaq:

Ukioq	Konto pingaarneq 40.97.03	Konto pingaarneq 40.92.14
2011	43.310.000	1.773.000
2012	47.749.000	1.800.000
2013	47.785.000	1.838.000
2014	49.984.000	1.866.000
2015	48.895.000	1.875.000
2016	49.755.000	1.879.000
2017	49.015.000	1.890.000
2018	50.274.000	1.899.000
2019	49.510.000	1.893.000
2020	49.669.000	1.899.000
2021	49.669.000	1.899.000
2022	50.116.000	1.916.000

### Apeqqut 2:

Taassuma saniatigut Naalakkersuisut qinnuigineqarputtaaq nalunaarsuiffik "Sulisogarnermut naatsorsuutigisat" konto

*pingaarneq 40.92.14 itisileqqullugu.*

*a) Sulisut sorliit pineqarpat?*

*b) Inuit qassit – sulisoqarnermi immikkoortortani pineqartuni*

*– ukiut aqqaneq-marlunni kingullerni ilinniarnerminnik  
naammassinninnikuuppat?*

*c) Taakkunani qassit suli llagiinni atorfeqartinneqarpat?*

**Akissut:** 2 a) Konto pingaarneq 40.92.14 Ajoqissatut organistissatullu ilinniarnermi "Sulisunut atuinissamut naatsorsuutigisat" pillugit kisitsisitigut takussutissiaqanngilaq. Taamaattumik konto pingaarneq 40.97.03 Kalaallit Nunaanni ilageeqarneq pillugu takussutissiamut itisiliisoqassasoq Naalakkersuisut naatsorsuutigaat.

Sulisut immikkoortut uku ilaatinneqarput: biskoppi, provstit, palasit, ajoqit, atuaasut, organistit, pedelit aamma eqqiaasut taartaallutillu atorfeqartut.

2 b ajoqinit 41-nit aamma organistinit 23-nit atorfeqartinneqartunit ajoqit 29-t aamma organistit 23-t ilinniarneq naammassisimavaat. Sulisut sorliit ilinniakkallu suut aamma qanga ilinniakkamik naammassisaqarsimanersut takussutissiaqanngilaq. Biskoppilli allaffiata ilisimatitsissutigaa taamatut takussutissiortarnissaq aallartinniarlugu.

2 c) Takuuk 2 b-mut akissut.

**Apeqqut 3:** *Ullumi– Naalakkersuisut naapertorlugit – Ilageeqarnermi unammillernartut pingasut annerit suuppat??*

**Akissut:** Naalakkersuisut llagiit ilivitsutut isigaat, pissutsillu assigiinngitsut unamminartullu llagiit aaqqissuusaaneranni allanut sunniuteqarsinnaasarlutik. Taamaattumik unamminartut pingasut immikkut toqqarnissaat ajornakusoorsinnaavoq.

Inunngortunik toqusunillu assammik allattuilluni nalunaaruteqartarneq palasinut piffissamik annertuumik atuiffiusartoq Naalakkersuisut isumaqarput. Inunngortunik toqusunillu maannakkutut nalunaaruteqartarnerup pisariinnerulernissaanut periarfissat iliuuserineqarsinnaasut assigiinngitsut oqaloqatigiissutigineqarput. Taakkunungalua aaqqiissutissat tamarmik sillimmatit maannakkut pigineqanngitsut pisariaqartippaat.

Taakku saniatigut oqaluffiit illutaasa aamma palasit illuisa unamminartoqarnerat Naalakkersuisut misigisarpaat. Pineqartuni piffinni palasinik atorfinitsitsinermut/atorfeqaannartitsinermut pissutsit tamakku sunniuteqarsinnaapput.

Naggasiutitut ajoqinik organistinillu ilinniartitseqqiinerit taaneqarsinnaapput. Palasinut pisariaqartitsisoqarneratulli ajoqinik organistinillu ilinniartitseqqiinerit pisariaqartinneqarput. Sulisunili kingullerni taaneqartuni, palasit amerlassusaannut naleqqiullugu, taakku sulisut amerlanerujussuupput, taamaattumik ajoqinik organistinillu pikkorissaanerit il.il. akisunerujussuullutik.

Inussiarnersumik inuulluaqqusillunga



Peter Olsen